

TEZAU LITURGIC
16 SEPTEMBRIE
RUGĂCIUNEA
SF. CUVIOS-MĂRTURISITOR
KUKȘA VELICIKO DE LA ODESSA

Молитва

О, преподобне и богоносне отче наш Кукшо, Святыя Горы Афонския и триех отечественных обителей Успения Божия Матери: Киевския, Почаевския и Одесския славо немеркнущая и пресветлая похвало! Из безвестности и бедности в юности призван был еси на служение Господу, и Казанским образом Пречистыя Богородицы материю твоею богобоязненною и боголюбивою на подвиг монашеский благословен, супротив похоти плоти, похоти очес и гордости житейския самоотверженно преоружился еси, ведая, яко брань христианом не супротив плоти и крови, а супротив начальств, и властей, и миродержителей века сего, невидимых, но неусыпно и ощутительно на нас нападающих, предлежит. Многая злострадания и гонения непрестанныя все житие твое мужественно терпел и добропобедно претерпел еси, видя на себе самем, яко воистину сила Божия совершается в человеческой немощи.

